


# **Cumegn da Surses**



# **Urden da scola**

# Cuntign

pagina

<b>I. Determinaziuns generalas</b>	<b>3</b>
Art. 1 - scalems da scola	3
Art. 2 - obligaziun da scola, li da scola, frequentaziun gratuita	3
Art. 3 - ouras da bloc	3
Art. 4 - structuradas digl de	3
Art. 5 - purscheidas supplementaras	3
Art. 6 - maseiras dalla pedagogia speziala agl sectour simpel	3
Art. 7 - giudicat, promoziun e midada da scalem	3
<b>II. Persungas d'instrucziun</b>	<b>3</b>
Art. 8 - relaziun d'angaschamaint	3
<b>III. Direcziun da scola</b>	<b>4</b>
Art. 9 - direcziun da scola	4
<b>IV. Cunsegl da scola</b>	<b>4</b>
Art. 10 - organisaziun	4
Art. 11 - cumpetenzas da decider	4
Art. 12 - obligaziuns e cumpetenzas	4
Art. 13 - presidi	5
<b>V. Tgira da dretg</b>	<b>5</b>
Art. 14 - veia da dretg	5
<b>VI. Determinaziun finala</b>	
Art. 15 – antrada an vigour	6

Relaschea dalla radunanza communal sa basond agl art. 20 dalla lescha per las scolas popularas digl cantun Grischun (lescha da scola) digls 21 da mars 2012.

## **I. Determinaziuns generalas**

- Art. 1**  
Scalems da scola Igl cumegn da Surses magna igls suandonts scalems da scola:  
a) scalem scoligna  
b) scalem primar  
c) scalem secundar I
- Art. 2**  
Obligaziun dad eir a scola, li da scola, frequentaziun gratuita  
L'obligaziun dad eir a scola, igl li da scola scu er la frequentaziun gratuita sa drezzan tenor dretg cantunal.
- Art. 3**  
Ouras da bloc Igl cumegn da Surses garantiscecha segl scalem da scoligna e scalem primar igls taimps da bloc prescretgs digl cantun.
- Art. 4**  
Structuras digl de Igl cumegn da Surses porscha an cass da basigns structuras digl de pi vastas.
- Art. 5**  
Purscheidas supplementaras Igl cumegn da Surses pò tenor basigns stgaffeir purscheidas supplementaras scu labour sociala da scola.
- Art. 6**  
Maseiras dalla pedagogia speziala agl sectour simpel Per l'ordinaziun e la realisaziun da maseiras dalla pedagogia speziala agl sectour simpel è'l responsabel igl cumegn da Surses.
- Art. 7**  
Giudicat, promoziun e midada Igl giudicat scu er la promoziun e la midada da scalem dallas scolaras e digls scolaras sa drezzan tenor dretg cantunal.

## **II. Persungas d'instrucziun**

- Art. 8**  
Relaziun d'angaschamaint<sup>1</sup> Las persungas d'instrucziun èn amplueidas digl cumegn da Surses.  
<sup>2</sup> La relaziun d'angaschamaint dallas persungas d'instrucziun vign fundada antras en contract da labour digl dretg public an consideraziun digl urden da personal digl cumegn da Surses. Resalvadas èn las determinaziuns dalla lescha cantunala da scola.

### **III. Direcziun da scola**

#### **Art. 9**

Direcziun da scola Igl cumegn da Surses instituescha ena direcziun da scola.

### **IV. Cunsegl da scola**

#### **Art. 10**

Organisaziun

<sup>1</sup> Igl cunsegl da scola sa cumpona da tschintg commembras/com-membres. Ad el stat avant la presidenta digl cunsegl da scola resp. igl president digl cunsegl da scola. Pinavant sa constituescha el sez.

<sup>2</sup> Igl cunsegl da scola vign convocò schi savens scu tgi igls affars pretendan u schi egn digls commembres digl cunsegl da scola pre-tenda.

<sup>3</sup> Allas sedutas digl cunsegl da scola pon neir anvidadas tenor ba-signs persungas ulteriouras cun vusch consultativa.

<sup>4</sup> Sur dallas tractativas ò da neir mano en protocol.

#### **Art. 11**

Cumpetenza da decider

Igl cunsegl da scola è cumpetent da decider schi ple tgi la mesadad dallas commembras/digls commembres è preschainta.

#### **Art. 12**

Obligaziuns e cumpe-tenzas

<sup>1</sup> Igl cunsegl da scola magna e survigilescha la scola ed exequescha la legislaziun da scola cantunala e communal. El ademplescha tot igls pensums digls fatgs da scola, igls quals n'èn betg incumbensos ad en oter uffezi u ad en'otra istanza antras en decret cantunal u communal.

<sup>2</sup> El ò l'incumbensa an spezial da:

1. decider davart l'anticipaziun resp. la remessa dall'antrada an scoligna u an scola primara;
2. decider dad ena cuntinuaziun digl onn da scola ainten ena classa pi bassa tar surpretensiun d'en unfant;
3. decider pertutgont igl sursagleir ena classa;
4. decider da purscheidas ulteriouras per unfants da lungatg ester;
5. decider davart l'ordinaziun u l'aboliziun da maseiras pedagogicas spezialas agl sectour simpel;
6. decider d'excluder en unfant durant igl taimp da scola obligato-ric;
7. decider da relascher anticipadamaintg en unfant igl pi bod siva otg onns da scola obligatorics;
8. decider da lascher frequentar ulteriours onns da scola siva dad aveir adempliera igl taimp da scola obligatoric;
9. decider d'excluder dalla scola durant la frequentaziun da scola postobligatorica;

10. decider da recepeir en un fant d'en'otra scola scu er dalla taxa da scola;
11. fixar las vacanzas – cun excepziun dallas vacanzas d'aton e dallas vacanzas da Nadal – an cunvagnientscha e coordinaziun cun igls consejls da scola dalla regiun scu er declaranza obligatorica dad usits da scola particulars durant sivamezdes libers u sondas;
12. relascher en reglamaint concernent absenzas e congedis;
13. relascher en urden da disciplina;
14. pladeir e relascher las persungas d'instrucziun e la direcziun da scola;
15. relascher en carnet da dueirs per la direcziun da scola;
16. relascher en reglamaint da furmaziun e da congedi da scolaziun per persungas d'instrucziun e per la direcziun da scola;
17. puneir surpassamaints ancunter igl art. 68 dalla lescha da scola cantunala;
18. eliger la media u igl medi da scola e la daintista u igl daintist da scola.

### **Art. 13**

Presidi

<sup>1</sup> La presidenta digl consej da scola resp. igl president digl consej da scola represchainta igl consej da scola vers anor, prepara igls affars digl consej da scola e procura per l'execuziun dallas decisiuns pigleidas.

<sup>2</sup> An cass urgents, tgi schean aint igl camp da cumpetenzas digl consej da scola, peglia ella resp. el las maseiras necessarias. Schinavant scu pussebel decida igl consej da scola definitivamaintg ainten la sia proxima seduta.

## **V. Tgira da dretg**

### **Art. 14**

Veia da dretg

<sup>1</sup> Ancunter disposiziuns e decisiuns dallas persungas d'instrucziun, dalla direcziun da scola, dalla presidenta resp. digl president da scola pertutgont fatgs da scola so neir recurria an terma da 10 deis tar igl consej da scola.

<sup>2</sup> Ancunter disposiziuns e decisiuns digl consej da scola pertutgont fatgs da scola so neir recurria an terma da 10 deis tar igl departamaint d'educaziun, cultura e protecziun digl ambiaint schinavant tgi la lescha da scola cantunala fixescha navot oter.

<sup>3</sup> Ancunter decisiuns d'assegnaziun negativas e disposiziuns pertutgont nunpromozion respectivamaintg promozion so neir recurria an terma da 10 deis tar igl uffez da scola populara e sport. Igl uffez so preveir ena procedura speziala tar igl giudicat da recurs.

## VI. Determinaziun finala

### Art. 15

Antrada an vigour

Chest urden da scola vo an vigour siva dall'acceptanza dalla radunanza communal e l'approvaziun antras igl departamaint d'educaziun, cultura e protecziun digl ambiant retroactivamaintg per igl 1. schaner 2016. El ramplazza igl urden da scola vertent digl consorzi da scola Surses digls 10 da december 2014.

Approvo dalla radunanza communal digls 11 d'avregl 2016.

### Per la suprastanza communal Surses

Igl mastral :



.....  
Leo Thomann



Igl scrivant communal :



.....  
Beat Jenal

Approvà dal departament d'educaziun, cultura e protecziun da l'ambient tenor  
disposiziun dal departament dals 9.5.2016

Il schef:

